



10. marts 2009

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Naalakkersuisunut apeqquteqaatit:

- 1. CIA-p Kalaallit-nunaat aqqusaarlugu timmisartuussisarsimaneri pillugit suliaq qanoq inissisimava?**
- 2. Timmisartorsuarmut qaartartorsuarnik, brintbombinik useqarluni Pituffiup eqqaanut nakkatumut tungatillugu suliaq qanoq inissisimava?**
- 3. NATO-p Island-imi ataatsimiinnerani Kalaallit-nunaata peqataannginneranut suna pissutaava?**
- 4. Nunanut Allanut tunngasunut Naalakkersuisup qallunaat Nunanut Allanut Naalakkesuisuannik ataatsimeeqateqarnera sunik nutaarsiassartarqarpa?**
(Inatsisartunut ilaasortaq Palle Christiansen, Demokraatit)

Tunngavigisaq:

Sermitsiap qarasaasiakkut atugassiaani 11. februar-imeersumi Nunanut Allanut tunngasunut Naalakkersuisup apersorneqarnera saqqummiunneqarpoq (<http://sermitsiaq.gl/politik/article74612.ece>). Naalakkersunut ilaasortap apersorneqarnermini erseqqissarpaa nunanut allanut tunngasutigut naalakkersuisoqatiminik qallunaajusumik ataatsimeeqateqartussaalluni, tassanilu qulaani eqqaasakka akissuteqarfiginissaat anguniassalugu pilersaarutigalugu.

Qangatsianngorporli ataatsimiinnissaq tamanna pisimammat, ajoraluartumilli manna tikillugu Naalakkesuisunut Ilaasortap qalunaat Nunanut allanut Naalakkersuisuannik ataatsimeeqateqarnermini sutigut angunsaqarsimanerluni suli innuttaasunut tusarliutissallugu sulissutigisimangilaa.

Apeqqutit taakkua aqqutigalugit Demokraatit Naalakkersuisunut ilaasortaq ikiorsissavaat, tassami kikkut tamatta apeqqutinut taama soqutiginartigisunut, siusinnerusukkulli Naalakkersuisunut Ilaasortap avammut tusarliutereernikuusaanut qallunaat Nunanut Allanut Naalajjersuisuat sunik akissuteqarsimanersoq qaammaasimasaqarfiginerulissagaluarparput.

Apeqquteqaatit ullut qulit qaangiutsinnagit akissuteqarfigineqarnissaat kissaatigineqarpoq.